

四庫全書

史部

欽定四庫全書

通典卷一百二十八

唐 京兆杜佑君卿纂

禮八十八 開元禮纂類二十三 嘉七

皇太子元正冬至受羣臣賀

并會

前二日本司宣攝內外各供其職前一日典設郎設皇
太子幄座於正殿東序西向守宮設羣官等次東宮朝
堂伶官帥展軒懸之樂於殿庭以姑洗之均又設三罇

鐘姑洗夷則大呂各依其位設登歌以南呂之均及設
麾於殿上並如常儀典設郎鋪羣官牀座於殿上文官
三品以上於皇太子西南重行北向武官三品以上於
皇太子西北重行南向俱以東為上朝集使三品以上
及都督刺史各依方於文武官之下設不升殿者座席
於殿庭東西廂文官四品五品於懸東六品以下於橫
街之南每等異位重行西向北上武官四品五品於懸
西六品以下於橫街之南當文官每等異位俱重行東

向北上朝集使非升殿者分方各依文武官當品之下

諸州使人分方各於朝集使之下亦如之諸親於四品

五品之下

宗親在東異姓親在西掌儀仍各設版位

奉禮設門外位於東宮

朝堂之前文官在東武官在西俱每等異位重行相向

北上諸親位於文武四品五品之下

宗親在東異姓親在西

設諸

州朝集使位東方南方於宗親之南每等異位重行西

面西方北方於異姓親之南每等異位重行東面俱以

北為上典膳量設罇於廊下近北設不升殿者酒罇各

於其座之南皆有坳竊俱障以帷其日質明諸衛率各
勒所部屯門列仗文武羣官依時刻集朝堂次各公服
左庶子量時刻版奏請中嚴近仗就陳於閣外諸侍衛
之官各服其器服俱詣閣奉迎伶官師帥工人二舞入
就位又伶官帥一人升就位舉麾掌儀帥贊者入就位
吏部兵部贊羣官俱出次通事舍人各引就門外位又
舍人引羣官非升殿者先入就位左庶子版奏外辦皇
太子著從省服未冠則
雙童髻以出侍衛如常伶官帥舉麾奏

承和之樂皇太子即座西向坐偃麾樂止

凡樂皆伶官帥舉麾工鼓

祝而後作偃麾
戛敵而後止

掌儀一人升就西階上東面立贊者二

人立於階下通事舍人引羣官以次入就位公初入門

舒和之樂作左庶子前跪奏稱左庶子臣某言請殿下

迎公王興俛伏興還侍位皇太子降立於座後

若有三公諸伯

叔則降立於東階下西面公至階則升立詣
於座後皇太子升降伶官舉麾樂作止如式

公至階樂

止公以下升座者俱脫履於階下

所司先設
脫履席

通事舍人

接引羣官升就位立定掌儀唱再拜贊者承傳羣官上

下皆再拜訖通事舍人引羣官為首者一人進皇太子

前東面立賀稱元正首祚景福惟新伏惟皇太子殿下

與時同休

冬至賀云天正長至
伏惟殿下與時同休

賀訖退復位皇太子答

再拜左庶子前承令進宣令訖羣官上下又再拜左庶

子前跪奏稱左庶子臣某言請坐俛伏興還侍位皇太

子坐掌儀唱就座贊者承傳羣官上下就座皆就座俛

伏坐伶官帥引歌者及琴瑟至階脫履於下升就位坐

其笙管者詣階間北面立典膳郎進酒至階掌儀唱酒

至興贊者承傳羣官上下皆俛伏興立席後左庶子到階省酒典膳郎奉酒進皇太子舉酒食官令又行羣官酒酒至掌儀唱再拜贊者承傳羣官上下皆再拜

若皇太子

遣停拜即止

羣官皆搢笏受醵掌儀唱就座贊者承傳羣官

上下皆就座俛伏興飲皇太子初舉酒登歌作昭和之樂典膳郎進受虛醵復於坵登歌訖降復位觴行三周典膳郎進食食升階左庶子到階省案掌儀唱食至興贊者承傳羣官上下俛伏興立座後典膳郎品嘗食訖

以次進置皇太子前食官令又行羣官案

皇太子若不食及宮臣案

先下訖不須興

設食訖掌儀唱就座贊者承傳羣官上下皆就

座俛伏坐皇太子及飯奏休和之樂羣官上下俱飯皇太子食畢樂止仍行酒遂設庶羞伶官帥引二舞以次入酒行九徧會畢掌儀唱可起贊者承傳羣官上下皆俛伏起立席後左庶子前跪奏稱左庶子臣某言請殿下降座俛伏興還侍位皇太子降立於座後掌儀唱再拜贊者承傳羣官上下皆再拜皇太子答再拜通事舍

人引羣官降納履以出公初出樂作

若有三公諸伯叔皇太子升降伶官

帥舉麾作止如式

公出門樂止左庶子前跪奏稱左庶子臣某

言請殿下升座俛伏興還侍位樂作皇太子升座坐樂

止羣官出畢

非升座者仍立於殿庭

左庶子前跪奏稱左庶子臣

某言禮畢俛伏興還侍位皇太子興樂作皇太子降座

以入侍衛如來儀侍臣從至閤樂止又通事舍人引侍

殿庭者以次出皇太子若服袴褶羣官及宮臣皆袴褶

朝集使公服

升座者脫履如式

若設四部樂則去樂懸無警蹕

伶官師帥四部伎立於左右嘉善門外羣官初坐伶官師引四部伎聲作而入各就座以次作如式

皇太子元正冬至受宮臣朝賀

前二日本司宣攝內外各供其職前一日典設郎設皇太子幄座於正殿東序西向衛尉設宮臣次於重明門外伶官帥展軒懸之樂於殿庭以姑洗之均設麾於殿上西階之西又設為首者解劍席於懸西橫街之南並如常儀設宮臣版位於懸南文東武西俱重行北面相

對為首設典儀位於東階南贊者二人在南差退俱西
向北上設宮臣門外位文官道東武官道西重行相向
以北為上

受朝

其日未明三刻開諸宮殿門諸衛率各勒所部屯門列
仗如常宮臣依時刻集重明門外各服其器服左庶子
版奏請中嚴近仗就陳於閣外伶官師帥工人入就位
又伶官帥一人升就位諸侍衛之官各服其器服俱詣

閣奉迎典儀帥贊者先入就位通事舍人引宮臣俱就門外位又舍人引六品以下先入就位左庶子版奏外辦皇太子服遠遊冠絳紗袍以出左右侍衛如常儀皇太子將出仗動伶官師跪俛伏興舉麾鼓柷奏永和之樂皇太子升自阼階即座西向坐偃麾戩戩樂止通事舍人引宮官五品以上以次入就位宮臣初入門奏舒和之樂至位樂止宮臣立定典儀曰再拜贊者承傳宮臣在位者皆再拜訖通事舍人引為首者一人詣西階

為首者初行樂作至解劍席後樂止為首者就席解劍

置於席俛伏興通事舍人引升階進當皇太子座前東

面跪賀

其賀詞與羣官同

俛伏興通事舍人引降詣席後為首

者跪著劍俛伏興樂作復懸南位樂止宮臣俱再拜左

庶子前承令降詣宮臣西北東面稱令旨宮臣俱再拜

宣令訖宮臣又再拜左庶子還侍位典儀曰再拜贊者

承傳宮臣在位者皆再拜通事舍人以次引出還次為

首者初行樂作出門樂止左庶子前跪奏稱左庶子臣

某言禮畢俛伏興還侍位皇太子興樂作降座入侍衛
如來儀侍臣從至閤樂止

會

伶官師登歌於殿上以南呂之均典設郎鋪宮臣座席
於殿上文官於皇太子幄座西南重行北向武官於皇
太子西北重行南向俱以東為上設不升殿者座席於
東西廊下設解劍席於懸西橫街之南俱以北為上典
設郎設壽躡於殿上西序之端東西有坵加爵一於躡

下又說升殿者酒罇於西廊下近北設殿下者酒罇各
於其座之南皆有坵羃俱障以帷設訖通事舍人引宮
臣出次俱就門外位左庶子奏外辦皇太子服遠遊冠
絳紗袍以出侍衛如常皇太子將出伏動樂作皇太子
升自阼階即座西向坐樂止典儀一人升就東階上西
面立通事舍人引文武宮臣以次入就位宮臣初入門
樂作為首者至位樂止宮臣立定

若朝會別日設
會贊拜如朝禮

左庶

子前承令降命宮臣升座位者皆再拜通事舍人引應

升殿者詣西階為首者初行樂作至解劍席樂止宮臣各脫舄履跪解劍置於席上俛伏興通事舍人引升階宮臣為首者一人升立於階西東向以下各就座後立於其位又通事舍人引廊下位者就座後上下立定典膳郎前跪稱典膳郎臣某言請賜宮臣上壽俛伏興左庶子稱令曰諾典膳郎退升詣酒罇東面立通事舍人引為首者詣酒罇之所北面立典膳郎酌酒一爵授為首者搢笏受爵通事舍人引為首者詣皇太子座前東

面授左庶子左庶子受爵進置皇太子前為首者執笏

通事舍人引為首者退東面跪稱某宮臣等稽首言正

元首祚

冬至云天
正長至

臣等不勝大慶謹上千萬歲壽俛伏

興再拜宮臣等上下皆再拜立於席後左庶子前承令
少退宣令訖宮臣上下又再拜左庶子取爵奉進皇太
子舉酒奏休和之樂宮臣上下皆舞蹈三稱萬歲皇太
子舉酒訖左庶子進受虛爵以授典膳郎典膳郎受爵
復於坵樂止初左庶子受虛爵殿上典儀唱再拜階下

贊者承傳宮臣上下皆再拜通事舍人引為首者就座
後立殿上典儀唱就座階下贊者承傳宮臣上下俱就
座俛伏坐伶官帥引歌者及琴瑟至階脫履於下升就
位坐又引笙管進詣階間北面立典膳郎進酒至階殿
上典儀唱酒至興階下贊者承傳宮臣上下皆俛伏起
立席後左庶子到階省酒典膳郎奉酒進皇太子舉酒
食官令又行宮臣酒酒至殿上典儀唱再拜階下贊者
承傳宮臣上下皆再拜俛伏興坐飲皇太子初舉酒登

歌作昭和之樂三終行觴三周典膳郎進食皇太子食
奏休和之樂食畢樂止仍行酒設庶羞之奠如會羣官
儀伶官帥引諸伎以次入樂作若賜酒左庶子前承令
詣東階上西向稱賜酒殿上典儀承傳階下贊者又承
傳宮臣上下皆執笏俛伏起再拜搢笏立受觶就座俛
伏坐飲訖俛伏起授虛觶再拜執笏又再拜就座俛伏
坐酒九行徧會畢殿上典儀唱可起階下贊者承傳宮
臣上下皆俛伏起立席後通事舍人引宮臣降詣解劍

席後跪著劍俛伏興納舄履樂作復懸南位樂止位於
東西廊下者仍立於席後立定典儀曰再拜贊者承傳
宮臣在位者皆再拜

廊下者拜於席後

諸伎俱作通事舍人引

宮臣以次出為首者初行樂作出門樂止左庶子跪奏
稱左庶子臣某言禮畢俛伏興還侍位皇太子興奏永
和之樂皇太子降座以入侍衛如來儀侍臣從至閤樂
止

皇太子與師傅保相見

前一日衛尉設師傅保次於宮門外道南西向伶官帥展軒懸於殿庭以姑洗之均其日質明諸衛率各勒所部屯門列仗典儀設師傅保位於西階之西東向三少位於師傅保之南少退俱東向北上太師太傅太保及三少至宮門通事舍人引就次左庶子奏請中嚴伶官師帥工人就位通事舍人引師傅保及三少立於正殿門西差退俱東向左庶子奏外辦諸侍衛之官各服其器服俱詣閤奉迎皇太子著從省服以出左右侍衛如

常儀永和之樂作至東階下西面立樂止通事舍人引
師傅保三少入就位樂作如常師傅保立定皇太子再
拜師傅保答再拜若三少特見則三少先拜通事舍人引師傅保出
樂作止如常師傅保出門左庶子前跪稱左庶子臣某
言禮畢皇太子左右侍衛及樂奏如來儀

皇太子受朝集使參辭

前一日典設郎設皇太子幄座於東宮正殿東序西向
又設宮臣次及朝集使次於重明門外其日質明所司

設宮臣及朝集使次於殿庭諸衛率各勒所部屯門列
仗東宮文武官依時刻集朝堂就位服袴褶朝集使並
就次服公服左庶子量時刻版奏請中嚴近仗就陳於
閣外侍衛之官各服其器服就閣奉迎通事舍人各分
引羣官及朝集使就門外位左庶子版奏外辦皇太子
常服即座西向坐通事舍人引宮臣入就位如常典儀
曰再拜贊者承傳在位者皆再拜又通事舍人前引朝
集使橫行北面立定掌儀曰再拜朝集使皆再拜通事

舍人承令詣朝集使前稱有令朝集使皆再拜宣令訖
又再拜舍人引宮臣以次出其辭禮亦如之

親王冠

百官一品以下盡九品庶人並附其嫡子
但以品第庶子與親王同其降殺則異

前三日本司帥其屬筮日筮賓於廳事

五品以上嫡子
筮於廟門外無

廟筮於

正寢之堂主人公服立於楹間之東西面於寢
則堂上楹間近東掌事者各服其服立於門西東面於

寢則楹

間近西東面布筮席於主人之西西面餘並如
別儀前三日筮賓如求日之儀主人謂將冠者之父也

賓謂可使
冠子者

前二日主人至賓第掌次者引之次主人公

服出立於大門外之西東面賓公服立於阼階下西面

儼者公服進於賓之左北面受命出立於門東西面曰

敢請事主人曰皇子某王

一品以下曰某之子其下倣此

將加冠請某

公教之

相稱各隨官爵

儼者入告賓出立於門左西面再拜主

人答再拜主人曰皇子某王將加冠願某公教之

一品以下

云吾子下倣此

賓曰某不敢恐不能供事

一品以下加辱吾子

敢辭主

人曰某猶願某公教之賓曰王重有命某敢不從主人

再拜賓答拜主人還賓拜送主人命使者戒贊冠者如

戒賓

一品以下主人戒贊冠者如戒賓亦通使子弟戒之

前一日掌次者設次於

大門外之右南向其日夙興掌事者

一品以下贊者庶子同

設洗

於阼階東南東面當東雷

六品以下當東榮

南北以堂深壘水

在洗東加勺幕篚在洗西南肆

篚實中一勺一加幕

席於東房內

西牖下

無房者張帷

陳衣於席東領北上衮冕服青衣纁裳

九章

五章在衣山龍華蟲火宗彛四章在裳藻粉米黼黻一品衮冕服同上二品鷩冕服七章三章在衣

華蟲藻火四章在裳宗彛粉米黼黻三品毳冕服五章三章在衣宗彛藻粉米二章在裳黼黻四品繡冕服三

章一章在衣粉米二章在裳黼黻五品玄冕衣無章裳刺黼一章六品以下爵弁服青衣纁裳 白紗中

單黼領青襍褌裾草帶鉤鞢大帶

青帶紕其外上朱下綠紕約用組一品二

品大帶皆純其外上以朱下以綠三品大帶四品五品素帶皆純其垂外以玄內以黃紉約皆用青組六品以下練帶純其內外以編約用青組中單青領

朱黼二章山火

三品以上飾以裳色山火二章

四品繡冠山一章五品玄冕無章六品爵韠

劍飾以珠玉

三品以上飾以金玉四品五品飾以

金
山玄玉雙珮纁朱雙綬四綵赤黃縹紺純朱質纏文

織長丈八尺二百四十首廣九寸

小雙綬長二尺六寸色同大綬而首半之

間施二玉環一品雙珮山玄玉五品以上水蒼玉雙綬一品綠綬綬四綵紫黃赤綠質長丈八尺二百四十首廣九寸二品三品紫綬三綵紫黃赤純紫質長丈六尺一百八十首廣八寸皆有小雙綬長二尺六寸色同大綬而首半之一品施二玉環四品青綬三綵青白紅純青質長丈四尺一百三十首廣七寸五品黑綬二綵青

紺純紺質長大二尺一百首廣六寸皆有雙綬長二尺六寸色同大綬而首半之六品以下無劍珮綬朱

韞赤舄

五品以上同六品以下白韞赤履庶人黑介幘服絳公服方心革帶細縹假帶韞履庶子以上

皆遠遊冠絳紗單衣白紗中單卑領襦裙白裙襦

赤裙

衫一品以下進賢冠

假帶曲領方心絳紗蔽膝白韞黑舄

一品以下革帶

鉤縹珮雙綬六品以下無劍綬八品以下去中單曲縹蔽膝黑履庶人黑介幘服白裙襦青領革帶韞履

布冠服青衣素裳白紗中單青領襦裙素鞞

其革帶大帶劍珮綬

與冕服同韞舄與遠遊冠服同三品以上中單革大帶劍珮綬與冕服同韞舄與進賢冠同六品以下中單革

帶繡帶與爵弁同韞履與進賢冠服同庶人帶韞履與介幘服同去鞞

緇纁

其纁用皂中

前兩隅

犀簪櫛實於箱在服南莞筵三紛純加藻席三緇

純在南

三品以上莞筵四加藻席四四品五品蒲筵四緇布純加萑席四玄帛純六品以下蒲筵四不

加萑席其庶子各如其品嫡子之席各用三

罇於房戶外之西兩甌玄酒在

西加勺冪設坫於罇東置二爵加冪豆十簋十在服北

俎三在簋豆北

凡牲體節折如離肺俎三實羊豕及腊簋實脯棗之類豆實俎醢之屬一品以

下側罇甌醴在服北加勺冪設在罇北實角觶角柶各一加冪饌陳於坫北四品以下無坫同設簠庶子罇於

房戶外之西兩甌元酒在西加勺冪設坫於罇東置二爵於坫加冪饌陳於服北一品俎三簋十豆十三品八

四品七五品六六品以下用特牲設洗於東房近北壘

水在洗西篚在洗東北肆實以巾質明賓贊至於主人

大門外掌次者引之次賓贊俱公服諸行事者各服其

服

六品以下無公服者服常服

執罇壘篚者皆就位冕青珠九旒青

纁充耳犀簪導組纓色如其綬

三品以上衮冕垂青珠九旒以組為纓色如其

綬青纁充耳角簪導鸞冕七旒毳冕五旒餘皆同衮冕四品五品繡冕垂青珠四旒以組為纓色如其綬青纁

充耳角簪導玄冕三旒餘同繡冕六品以下爵弁玄纓庶人則黑介幘庶子同嫡子遠遊冠三梁

金附蟬黑介幘纓青綾犀導

三品以上進賢冠三梁纓青綾犀導四品五品以上

二梁六品以下一梁庶人則黑介幘緇布冠青組纓冠冕各一箱各一人

執之待於西階之東西北上設主人之席於阼階上西

面設賓席於西階上東面皇子席於房戶之西南面

房外

鑄俱下莞上藻

一品以下冠者席於主人東北面庶子如親王儀

主人公服立

於阼階當東序西面親公服非公服者常服立於壘洗

東南西面北上

一品以下偕諸尊者停別室儼者公服立於門內道東北面

皇子雙

童髻空頂幘玉導金寶飾綵袴褶錦紳烏皮履

四品五品導飾

以金六品以下無金飾

立於房內南面主人贊冠者公服立於房

內戶東西面賓及贊冠者出次立於門西贊冠者少退

俱東面北上僨者進於主人之左北面受命出立於門

東西面曰敢請事賓曰皇子某王將冠某謹應命

三品以下

云某子有嘉禮命執事庶子同僨者入告主人迎賓於大門外之東西

面再拜賓答拜

凡賓主拜揖入出皆贊者相導

主人揖贊冠者贊冠者

報揖主人又揖賓賓報揖主人入賓及贊冠者次入及

內門主人揖賓賓報揖主人與賓入贊冠者從至內雷

將曲揖賓報揖主人及階主人立於階東西面賓立於

階西東面主人曰請公升

一品以下請吾子升他倣此

賓曰某備將

事敢辭主人曰固請公升賓曰某敢固辭主人曰終請

公升賓曰敢終辭主人升自阼階立於席東西面賓升

自西階立於席西東向贊冠者及庭盥於洗升自阼階

入東房立於主人贊冠者之南俱西面主人贊冠者引

皇子出立於戶外之西南面賓之贊冠者取纚櫛簪箱

跪奠於皇子筵東端

一品以下筵南庶子筵東

興席東少北南面立

一品以下席北少東西面立庶子南面賓揖皇子賓主俱即席坐皇子進

升席南面坐

一品以下西面坐庶子南面

賓之贊冠者進筵前北面

一品以下東面庶子北面跪脫雙童髻置於櫛箱畢設纚興復位賓

主俱興賓降盥主人從降賓東面辭曰願主不降

一品以下

云吾子下倣此主人曰公降辱敢不從賓降至盥洗手訖詣

西階賓主一揖一讓升主人立於席後西面賓立於西

階上東面執緇布冠者升賓降一等受之右執頂左執

前詣皇子筵前北面跪冠興復西階上席後東面立

文祝

曰今月吉日始加元服棄爾幼志順爾成德壽考維祺介爾景福乃跪奠冠興賓之贊冠者進

筵前北面跪設頰結纓興復位

一品以下東向跪結纓庶子同親王而無頰

皇子興賓揖皇子適房賓主俱坐皇子著青衣紫裳之服出戶西南面立賓主俱興賓揖皇子進立於席後南

面

一品以下進升席西面坐
一品以下庶子同親王

賓降盥主人從降辭對如

初賓盥手跪取爵於篚興洗訖詣西階賓主一揖一讓升主人立於席後西面賓詣酒罇所酌酒進皇子筵前北向立祝曰旨酒既清嘉薦亶時始加元服兄弟具來孝友時格永乃保之皇子筵西拜受爵賓復西階上東面答拜執饌者薦籩豆於皇子筵前皇子升筵坐左執

爵右取脯擣於醢祭於籩豆之間祭酒興筵末坐啐酒

執爵興降筵西跪奠爵再拜執爵興賓答拜冠者升筵

跪奠爵於薦東興立筵西執饌者徹薦爵賓揖皇子進

升筵南面坐

一品以下無賓降盥主人從降下至此儀其一品以下嫡子三加冠後酌醴以禮之

又有祝辭其庶子則醺而不醴親王冠同於庶子

賓之贊冠者跪脫緇布冠置

於箱櫛畢設纚興復位賓降二等受遠遊冠

一品以下進賢冠庶

人黑介幘

左執頂右執前詣皇子筵前北面跪冠

一品以下詣冠者筵

前東向立祝曰吉月令辰乃中爾服敬爾威儀淑慎爾德眉壽萬年永受斯福乃跪冠

興復位賓

之贊冠者坐設簪結纓興復位皇子興賓揖皇子適房

賓主俱坐皇子著朝服

一品以下庶子著絳紗服庶人則白裙襦服

出房戶

西南面立賓主俱興賓揖皇子進立席後南面賓詣酒

罇所

一品至三品嫡子冠禮無賓詣酒罇所以下執饌者徹薦爵立俟

取爵酌酒進皇

子筵前北面立祝曰旨酒既滑嘉薦伊脯乃申其服

庶子

云嗣服

禮儀有序祭此嘉爵承天之祐皇子筵西拜受爵

賓復西階上東面答拜執饌者薦籩豆皇子升筵末坐

啐酒執爵興筵西跪奠爵再拜執爵興賓答拜皇子升

筵坐奠爵於薦東興立於筵西南面執饌者徹薦賓揖

皇子進升席南面坐賓之贊冠者跪脫進賢冠

庶人脫黑介幘

置於箱櫛畢設纚興復位賓降三等受冕

六品以下爵升庶人則黑

介幘左執頂右執前詣皇子筵前北面跪冠興復位賓之

贊冠者坐設簪結纓興復位皇子興賓揖皇子適房賓

主俱坐主人贊冠者徹櫛箱入房皇子著袞冕之服

庶子

及六品以下爵升服庶人絳公服

出房戶西南面立賓主俱興賓揖皇

子進立於席後南面賓詣酒罇所取爵酌酒進皇子筵

前北面立祝曰旨酒令芳籩豆有楚咸加其服

庶子云
爾服

肴升折俎承天之慶福壽無疆皇子筵西拜受爵賓復

位東面答拜

三品以上賓之贊冠者跪設簪結纓與復位冠者興賓揖冠者適房賓主俱坐冠者

著絳紗服庶人白裙襦服出房戶西南面賓主俱興賓揖冠者進升席西向坐賓之贊冠者跪脫進賢冠庶人黑介幘置於櫛箱畢設纓與復位賓降三等受冕六品受爵升庶人黑介幘右執頂左執前進冠者筵前東向

立祝曰以歲之正以月之令咸加爾服兄弟具在以成厥德黃耆無疆受天之慶及跪興復位賓之贊冠者設簪結纓與復位冠者興賓揖冠者適房賓主俱坐主人贊冠者徹纓櫛簪箱及筵入於房又筵於室戶西南向冠者著冕服六品以下爵升服庶人絳公服出戶西南面賓主俱興主人贊冠者盥手洗觶於房酌醴加柶覆

之面葉出房南面立賓揖冠者就筵西面立賓進受醴於室戶東加柶面柄進冠者筵前北面立祝曰甘醴維厚嘉薦令芳拜受祭之以定爾祥承天之休壽考不忘冠者筵西拜受解賓復西階上東面答拜一品以下庶

子與親王儀同

執饌者薦籩豆設俎於籩豆之南皇子升筵坐

左執爵

一品以下用解下倣此

右祭脯醢贊冠者取肺一以授皇

子奠爵於薦西興受郤左手執本坐右絕末祭上左手嚕之興加於俎皇子悅手執爵祭酒興筵末坐啐酒興降筵西南面坐奠爵再拜執爵興賓答拜皇子升筵坐奠爵於薦東興贊冠者引皇子降立於西階之南東南

面初皇子降賓自西階直西序東面立主人降自阼階
直東序西面立賓少進字之曰禮儀既備令月吉日昭
告爾字爰字孔嘉君子攸宜宜之於嘏永受保之曰孟
某甫仲叔季唯其所當皇子曰某雖不敏夙夜祇奉賓

出主人送於內門之外

一品以下賓答拜賓主俱坐冠者升筵跪奠饌於薦東興進北

面跪取脯降自西階入見母進奠脯於薦前退再拜以出冠者母不在則使人受脯於西階下初冠者入見母賓主俱興賓降當西席東面立主人降當東序西面立冠者既見母出立於西階之東南向賓少進字之曰禮儀既備令月吉日昭告爾字爰字孔嘉髦士攸宜宜之於嘏永受保之曰字某冠者曰某雖不敏夙夜祇奉賓

出送於內門外一品以下庶子取脯見母如嫡子餘如親王主人西面請賓曰公辱

執事請禮從者賓曰某既得將事敢辭主人曰敢固以請賓曰某辭不得命敢不從賓就次主人入初賓出皇

子東面見諸親拜之皇子答拜

一品以下又冠者西南拜賓之贊冠者答拜庶

同皇子入見內外諸尊於別所賓主既釋服改設席訖

賓贊俱出次立於門西東面主人出門東西面主人揖賓賓報揖主人先入賓贊從之至階一揖一讓升各就座後立定俱升座會就賓主俱興賓立於西階上贊冠

者在北少退俱東面主人立於東階上西面

一品以下及衆賓降

立於西階下東面庶子同

掌事者受東帛之篚升授主人於東序端

主人執篚少進西面立又掌事者奉幣篚升立於主人後於幣篚升牽馬者牽兩馬入陳於內門三分庭一在南北首西上北面賓還西階上北面贊冠者立於左少退俱北面再拜主人進立於楹間南面賓贊進立於主人之右俱南面東上主人授幣篚賓受之退復東面位於主人授幣篚掌事者又以幣篚授贊冠者退復位主

人還阼階上北面拜送賓贊降自西階從者迓受幣賓

當庭賓東面揖牽馬者從出迓受馬於門外賓降主人

降送於大門外之東西面再拜賓退主人入

四品以下於衆賓降

並立於西階下掌事者以幣篚升授主人於序端賓北面再拜主人進立於楹間南面賓進立於主人之右俱南面賓受幣退復東面位主人還阼階北面再拜送賓降自西階從者拜受幣賓出主人送賓於大門外之東西面再拜賓退主人入庶子同親王儀孤子則諸父諸兄戒賓冠之日主人髻而迎賓拜揖讓如冠主冠於阼醴之庶子醴之及禮賓拜送皆如上儀明日見廟者冠者朝服無廟者見祖禰於寢質明贊禮者引入廟南門中庭道西北賓贊再拜訖引出六品以下見祖禰於正寢冠者公服庶人常服質明張几筵於正寢贊禮者引

入至庭北面再拜訖引出五品以上子孫九品以上子
冠假用出身品服其三品以上大功以上親冠同八品

九品之服

皇子詣闕至次著朝服通事舍人引皇子入詣皇

帝所御之殿至闕閣近臣奏皇帝即御座南向坐近臣

引皇子入立於階間北面再拜訖近臣引皇子至皇后

殿閣外近臣附奏皇后即御座南向坐司言至閣引皇

子入立於階間北面再拜司言引出閣皇子出還第如

來儀

通典卷一百二十八

欽定四庫全書

史部

通典卷一百

二十九
三十

詳校官侍郎

臣李封

編修

臣程嘉謨覆勘

覆校官助教

臣吳省蘭

校對官助教

臣蔡鎮

謄錄監生

臣段文新

欽定四庫全書

通典卷一百二十九

唐京兆杜佑君卿纂

禮八十九 開元禮纂類二十四 嘉八

親王納妃

一品以下至庶人並附

納采

前一日主人設使者次

百官皆云實下准此

於大門外道右南面

一品以下先使媒氏通書女氏許之乃致納采之禮前一
日設次如親王其後納吉納徵請期親迎設次皆如

之其日大昕使者公服乘犢車備儀仗至於妃氏大門

外掌次者延入次

凡賓主及行事者公服一品以下使者入次主人公服無使者犢車儀仗

等事凡百官以下皆云女氏

主人受其禮於廟

無廟者以正寢

掌事者布神

席於室戶外之西莞筵紛純加藻席畫純南向右雕几

三品以下布席室戶外之西右几

使者公服

不合公服即常服

出次謁者引立

於大門外之西東面

一品以下無謁者引

主人立於東階下西面

儼者立於主人之左北面受命出於大門外之東西面

曰敢請事使者曰某公貺室某王

謂皇弟皇子一品以下賓曰吾子有命貺

室某也吾子女父其壻父凡百某王率由先典使某也

請納采

某王主婚者也某也使者名一品以下曰某有先人之禮使某也請納采上某壻父名下某使

者名儻者入告主人曰某之子蠢愚又弗教某王命之某

不敢辭

某王亦謂主婚者

儻者出告掌畜者以鴈授使者退立

於後使者左手執之主人迎於大門外之東西面再拜

使者不答拜主人入門而右賓入門而左至次門主人

揖入至內雷將曲揖當階揖至階揖主人曰請吾子升

賓曰某敢辭主人曰固請吾子升使者曰某敢固辭主

人曰終請吾子升使者曰某敢終辭主人升東階當阿

阿棟也

西面賓升西階當阿東面使者曰敢納采主人阼

階上北面再拜進立於楹間南面使者進立於主人之西俱南面使者受鴈如儀自西階以出

問名

納采禮畢使者既降立於廟門

一品以下內門下准此

外之西東

面主人還阼階東左右受鴈於序端主人降立於阼階下西面儻者進受命出請事使者曰某既受命將加諸

卜敢請女為誰氏儻者入告主人曰某王有命且以備數而擇之某不敢辭儻者出告掌畜者以鴈授使者退立於後儻者引主人迎於廟門外之東西面揖使者以入主人入門而右使者入門而左二揖至階三讓如初主人升阼階當阿西面使者升西階當阿東面曰敢問名主人阼階上北面再拜進立於楹間南面使者進入主人之西俱南面使者授鴈還立西階上東面主人還阼階上西面曰某第某女某氏出使者降出立於廟門

外之西東面主人還阼階東左右受鴈於序端主人降
立於阼階下西面僎者進受命出請事使者曰禮畢僎
者入告主人曰吾子為事故至於某之室某有先人之
禮請禮從者僎者出告使者曰某既得將事敢辭僎者
入告主人曰先人之禮敢固以請僎者出告使者曰某
辭不得命敢不從僎者入遂引主人升立於序端掌事
者徹几改筵東上

莞並紛加藻席纈純一品二品雕几
三品彤几四品以下漆几主人設神

席亦設罇無醴於東房內西牖下加勺冪站在罇北實

准此

觶一角杞一加羃籩豆在牀北實以脯醢設洗於東房

筵北罍水在洗西篚在洗東北肆

篚實中加勺羃

設訖僎者引

主人降迎使者報揖主人入使者從入至階一讓升

一品

以下二揖至階三讓升

主人於阼階上北面再拜旋立於階東西

面賓於西階上北面答拜旋立於階西東面主人受几於序端掌事者內拂几三奉兩端西北向進主人東南向外拂几三振袂內執進之北向使者迎受於筵前東南向以俟主人還阼階上北面再拜送西面立使者以

几避進北面坐設於座左興退於西階上北面答拜旋立於階西東面贊者盥手洗觶酌醴加柶於觶覆之面葉出房南面主人立受醴面柄進筵前北面立使者西階上北面一拜進筵前東南面受醴復西階上位主人還阼階上北面一拜送贊者薦脯醴於筵前使者進升筵坐左執觶右取脯濡於醴祭於籩豆之間以柶祭醴三始扱一祭又扱再祭興以柶兼諸觶上獵降筵於西階上北面坐啐醴建柶奠觶遂拜執觶興主人答拜使

者進升筵坐奠饌於薦東降筵立於西階上東面掌事

者牽兩馬入陳於門內三分庭一在南北首西上

一品以下

無馬

又掌事者奉篚幣升自東階主人受於序端進西面

立使者西階上北面再拜主人進楹間南面立使者立
於主人之西俱南面主人以篚幣授使者使者退立於
西階上東面主人還阼階上北面再拜送使者降自西
階從者迓受幣使者揖馬以出牽馬者從之使者出大
門外之西東面立從者迓受馬主人出門東西面拜送

使者退主人入立於阼階下西面僎者告於主人曰賓

不顧矣主人乃還於寢

一品以下又於使者歸主人公服立於階下西面使者入告立

於主人之左北面曰某既得事敢告主人曰聞命使者退立主人入以下復命准此

納吉

其日大昕使者至妃氏大門外贊禮者

一品以下掌事者

延入

次掌事者設几筵如初使者出次謁者引立於主人大

門外之西東面

一品以下無謁者

主人立於阼階下西面僎者

進受命出請事使者曰某公有貺命加諸卜占曰吉某

王使某也敢告

某王主婚者一品以下云某使某也敢告上某壻父下某使者

儻者入

告主人曰某之子弗教恐弗堪某王有吉某與在焉某

不敢辭儻者出告其拜迎升堂受鴈之儀並如納采唯

致命云納吉為異使者立於廟門外

一品以下次門外

之西東

面主人還阼階東左右受鴈於序端主人降立於阼階下西面儻者進受命出請事使者曰禮畢其禮賓如問名之禮

納徵

其日大昕使者至妃氏大門外掌次者延入次賓之掌

事者入布幕於廟門之外

百官入次門外

玄纁束

玄三足纁二足合束之

陳於幕上乘馬

四品五品兩馬六品以下鹿皮二其執皮內攝之手相向左手并執前足右手

并執後足

在幕南北面西上掌事者奉璋以匱俟於幕東西

面

一品以下無璋

主人掌事者設几筵如初使者出次謁者引

立於大門外之西東面主人立於東階下西面儼者進

受命出請事使者曰某公有嘉命貺室某王率由先典

一品以下儼曰有嘉命貺室某也有先人之禮束帛乘馬六品以下云束帛儼皮

使某也以玉

帛乘馬請納徵儻者入告主人曰某王順先典貺某重
禮某敢不承命儻者出告又儻者引主人迎立於大門
外之東西面再拜使者不答拜主人揖入使者從入主
人入門而右使者入門而左至於內門主人立於門東
西面使者立於門西東面

一品以下賓立於門西東面

掌事者坐啟

匱取璋

一品以下無璋但取玄纁而已六品以下取儷皮

加於玄纁上興以授

使者退復立使者奉玉帛主人揖與使者俱入牽馬者
從入陳於庭三分庭一在南北首西上主人入二揖至

階三讓如初主人升阼階當阿西面使者升西階當阿

東面使者曰敢納徵

六品以下執儷皮釋外足見文

主人阼階上北面

再拜進立於楹間南面使者進立於主人之西俱南面

使者授玉帛降自西階立於內門外之西東面主人還

阼階東左右受玉帛於序端主人立於阼階下西面主

人還受玉帛受馬者自左受之以東牽馬者既授馬自

門西而出儼者進受命出請事使者曰禮畢其禮賓如

問名之儀

請期

前一日設次其日大昕使者至妃氏大門外其主人設
几筵儼者出請事並如納吉儀使者曰某公有賜既申
受命矣某王使某也請吉日

一品以下既中受命惟是三族之不虞使某也請吉

日儼者入告主人曰既前受命矣惟命是聽儼者出告

使者曰某王命聽命於某公

一品以下云吾子
吾子壻父名也

儼者入

告主人曰某唯命是聽儼者出告使者曰某王使某受
命於某公公不許某敢不告期曰某日

某吉日
之甲乙

儼者入

告主人曰某敢不敬須償者出告掌畜者以鴈授其受鴈及禮賓並如納徵之儀

冊妃

其日妃氏親屬咸集使者公服乘輅備儀仗至妃氏大門之外贊禮者延入次使主副以下俱公服使者出次典謁者引使者持節者前導立於門西東面持節者立於使者之北少退使副立於使者西南史二人對舉冊案立於使副之南少退俱東面主人公服以出贊禮者

引立於東階東南諸宗人立於主人東南俱西向外姻
立於西方東面皆北上妃巖於別室以俟姆服禮衣立
於其右

傳保各一人

女相者綵禮衣帥女贊者二人綵禮衣

立於內寢東階東南西面北上贊禮者公服引主人出
門東西面再拜使者不答拜謁者引使者持節者前導
入門而左使副以下從之主人立於閣外之東西面與
謁引使者入閣立於內寢階間南面持節者立於使者
之東少南西面使副立於使者西南持冊案者又立於

使副之南少退俱東面女相者引妃出障以行帷其侍從提挈如式姆左右以相進當使者南北面立持節者脫節衣又女相者引宗人外姻之婦人於序位之東西廂俱北上

宗人在東外姻在西

立定史舉案詣使副前使副受冊

史以案退復位使副舉冊授使者退復位使者稱有制女相者曰再拜女贊者承傳妃再拜使者讀冊訖女相者曰再拜女贊者承傳妃再拜訖女相者引妃少前傳姆進受冊以退其羽儀依式俱進持節者加節衣典謁

引使者持節者前導以出俱復門外位主人拜送於門
外使者還主人入初使者出女相者引妃入

親迎

其日大昕妃父服其服告於禰廟

以酒醢脯告之一獻無廟者告於寢一品

以下其日大昕壻之父女之父各服其服告於禰廟將行父醢子於正寢贊者布席於東序西向又設席於戶牖之間南向父公服庶人常服坐於東序西向子服其上服其一品袞冕二品鷩冕三品毳冕四品黼冕五品玄冕六品爵弁庶人絳公服升自西階進立於序西南面贊者酌酒進北面以授子子再拜受爵贊者進脯醢於席前脯醢出自房子升席跪左執爵右取脯搗於醢薦祭於籩豆之間祭酒執爵興降席西南面跪啐酒奠

爵再拜執爵興贊者受虛爵還罇所子進於父席前東面父命之曰往迎爾相承我宗事勗率以敬先妣之嗣若則有常庶子但云往迎爾相勗率以敬子再拜曰不敢忘命又再拜降出初昏設洗於阼階東南東西當東雷南北以堂深壘水在洗東加勺冪簠在洗西南肆實爵二中二如冪設婦洗於東房筵北壘水在洗西加勺冪簠在洗東北肆實以巾加冪陳設於東房內西牖下一品以下牲用少牢及腊六品以下用特牲及腊皆三俎簠三簋三醢一其豆數一品十六二品十四三品十二四品十五品八六品六壻及婦共牢婦之簠簋及豆俎之數各視其夫牲體皆折節俎簠實稷黍簋實稻粱醢實以羹豆實醢醬醢醢簠豆醢加蓋俎加冪罇於室中北牖下玄酒在西加勺冪面柄又設罇於房戶外之東加勺冪無玄酒簠在南肆實爵加盃加冪夫婦酌於內罇四爵兩盃初婚王著袞冕之服乘輅備儀仗從凡六夫婦各三醢

者乘車後部從詣妃第

三品以下主人乘革輅四品五品木輅五品非京官職事者乘

青通轎轎車六品以下青徧轎轎車備儀仗從者公服乘車以從婦車及從車各准其夫至婦氏大門外延入

次車將至主人布席

百官以下贊者布席於室戶外之西西上右

凡又席於戶內南向設罇無醴於東戶東北隅加勺翬

筐在罇南

三品以上醴罇於房內東壁下站在北籩豆一又在站北四品以下筐在北

實觶

一角栖一脯醢在筐南王至妃氏大門外降輅贊禮者

引王停次妃著花釵褕衣纁袖入於房即席南向立

百官

以下女官准其夫服花釵翟衣一品花釵九樹翟九等二品花釵八樹翟八等三品七樹翟七等四品六樹六

等五品五樹五等入於房即席南向立六姆禮衣在其品以下花釵大袖之服庶人花釵連裳服

右從者陪其後主人

一品以下父公服

升自阼階立於房戶外

之東西面內贊者詣醴罇所以觶酌醴加柶覆之面柄

進妃筵前北面妃降席西南面再拜受觶內贊者薦脯

醢於席前妃升席跪左執觶右取脯擣於醢祭於籩豆

之間遂以柶祭醴三始扱一祭又扱再祭興筵末跪啐

祭醴建柶罇觶於薦東

一品以下豆東

降筵西南面再拜升席

立內贊者徹薦觶主人降立於東階東南西面贊禮者

贊王

一品以下皆云賓賓壻也下倣此

出次立於門內東左右羽儀及

執燭者如常賓者進受命出於東西面曰敢請事王曰

以茲初婚某將請承命

一品以下云以茲初婚某父使某將請承命

賓者入

告主人曰某固敬具以須賓者引主人迎於大門外之

東西面再拜王答拜主人逡巡

百官以下無逡巡

主人揖王報

揖主人入掌畜者以鴈進王受鴈左手執之以入內門

主人曰請王入曰某弗敢以先主人又曰固請王曰某

固不敢以先主人揖王報揖王與主人俱入左右從者

如常主人揖入及內雷將曲揖當階揖王皆報至階主人曰請王升王曰某敢辭主人曰固請王升王曰某敢固辭主人曰終請王升王曰某敢終辭主人升阼階西面立王升西階進當房戶前北面跪奠鴈興再拜降出主人不降送初王入門毋出立於房戶外之西南面於王拜訖姆導妃出於母左父少進西面戒之必有正焉若衣若筭命之曰戒之敬之夙夜無違命母戒於西階上施衿結帨戒之曰勉之敬之夙夜無違庶母及門內

施鞶申之以父母之命命之曰敬恭聽宗父母之言夙

夜無愆視諸衿鞶

鞶囊也婦人鞶絲所以盛帨巾之屬

妃出車後王授綏

姆辭不受曰未教不足以為禮妃乘以几從者二人坐

相對持之

一品以下無持几者

姆加幃王乃御輪三周馭者代之

王出大門乘輅還第如來儀妃鹵簿次從而行

一品以下主人

使其屬送之

同牢

一品以下同牢與親迎不別篇

初婚掌事者設洗陳饌如一品儀簋豆各十六簠簋各

二甕各一皆加勺蓋俎三羊豕及腊羊豕皆節折罇站

於室內北牖下玄酒在西加冪勺皆面柄

冪夏用絺冬用絺

又

設罇於房戶外之東加勺冪無元酒站在南實四爵合

盞加幕王至降輅車以俟妃至降車北面立王南面揖

妃以入及寢門又揖以入贊者徹罇冪酌玄酒三注於

罇妃從者設席於奧東向

西南隅謂之奧一品以下若室內窄則席於堂上楹間東

向設罇於室戶東

王導妃升自西階入於室即席東面立妃入

立於罇西南面王盥於南洗妃從者沃之妃盥於北洗

王從者沃之盥訖王及妃俱復位立贊者以饌入設於

席前贊者設醬於席前菹醢在於北俎三入設於豆東

腊特於豆北

豆在菹醢之東

設黍於醬東稷稻粱在東設滂於

醬南設對醬於東

對醬婦醬也設之當特俎

菹醢在其南北上設黍

於腊北其西稷稻粱設滂於醬北司饌啟會郤於簠簋

之南對簠簋於北

啟發也

皆加匕箸王從者對席於饌東

贊者西南告饌具王揖妃妃即對席西面皆坐贊者皆

授箸各以菹孺於醢皆祭於豆間又皆祭黍贊者各取

肺皆絕末以授皆祭贊者以肺加於俎

凡祭與食者皆贊者贊之贊

者各移黍置於席上授肺脊皆食以清醬三飯卒食贊

者二人俱洗爵於房酌於室內之罇詣饌南北面

一品以下

戶西以醕王及妃皆興再拜受爵贊者北面答拜王及

妃皆坐祭酒贊者以肝從皆奠爵取肝振祭臠之贊者

皆受實於俎豆各取爵皆飲訖執爵興贊者受爵王及

妃皆再拜贊者以爵覆於坫王及妃俱坐

一品以下仍立

贊者

又以爵酌再醕王及妃受爵不祭而飲卒爵

一品以下立受爵飲

贊者受爵覆於坫三醕用菴如再醕

一品以下主人及婦立於席後贊

者皆降東階洗爵升酌於戶外罇入詣於饌南北面跪

一品以下入戶西北面

奠爵興再拜皆坐取爵祭酒遂飲卒爵遂

拜執爵興降奠於篚

一品以下夫婦皆降奠爵於篚

王出妃退立於

罇西南面

一品以下主人出脫衣於房

贊者徹饌設於東房內如初

婦脫衣於室衽於奧

又徹室內酒罇以出王脫冕服於房妃從者

受之妃脫服於室王從者受之姆受巾王從者衽於奧

妃從者衽良席於東皆有枕北趾

一品以下無交受服姆受巾

王入

燭出妃從者餽王之餘王從者餽妃之餘贊者酌戶外

樽醕之

王從者皆婦人

妃從者侍於戶外呼則聞

妃朝見

一品以下見舅姑附

其日依時刻諸衛勒所部屯門列仗妃夙夜沐浴著花釵服褕衣乘厭翟車以出侍從如常入至降車所妃下

車司賓引妃立外閤外近臣入奏皇帝即御座南向坐

近臣如常妃奉筭

筭竹器玄表纁裏

棗栗司賓引妃入立於庭

北面妃再拜司賓引妃升自西階進北面跪奠於皇帝

前興皇帝撫之尚食進徹以東司賓引妃降復位又再拜尚儀承勅降詣妃西北東面稱勅旨妃再拜宣勅訖又再拜司賓引妃出遂詣皇后所御之殿立於閣外奉筭服脩六尚以下各服其服俱詣閣奉迎尚儀入奏皇后即御座南向坐近臣如常司賓引妃入立於庭北面再拜司賓引妃升自西階進北面跪奠於皇后前興皇后撫之尚食進徹以東司賓引妃降復位又再拜尚儀前承令降詣妃西北稱令旨妃再拜宣令訖妃又再拜

司賓引妃出閣侍從如常妃乘車還第如來儀

一品以下見舅

姑儀質明贊者見婦於舅姑立於寢門外贊者布舅席於東序西向布姑席於房中之西南向舅姑俱即席坐婦執笄窠栗自門外入升自西階東面再拜進跪奠於舅席前舅撫之贊者進徹以東婦退復東面位又再拜降自西階受笄服脩婦從者執俟於階下升進北面再拜進跪奠於姑席前姑撫之內贊者徹以東退復北面位又再拜贊設婦席於室戶西南面在姑席之西少北側蹲醢醴於房內東壁下加勺簠簋豆各一實以脯醢在蹲北設洗東房近北壘水在洗西篚在洗東北肆篚實以醢中角柶各一如罍婦立於席西南面內贊者盥手洗醢酌醴加柶面柶出房詣婦席前北面立婦進東面拜退復位內贊者西階上拜送內贊薦脯醢於席前婦升席坐左執醢右取脯搗於醢祭於籩豆之間加柶祭醢三始扱一祭又扱再祭加柶於醢而葉興降席西

東面坐啐醴加枳興拜內贊者答拜婦進升席跪奠解
於豆東取脯降自西階以出授婦氏從人於寢門外婦
盥饋儀舅姑入於室婦盥饋贊者布席於室之奧舅姑
共席坐俱東面南上贊設蹲於室內北牖下饌於房內
西牖下具饌如同牢牲體皆節折右載之於舅組左載
之於姑組婦入升自西階入房以醬進設於舅姑席前
其他饌從者設之加匕箸俱以南為上俎入各設於豆
東訖贊者各授箸舅姑各以韭菹櫛於醬祭於簋豆之
間又祭飲訖乃食婦入於房內盥手洗爵入室酌酒醕
舅進奠爵於舅席前少東西面再拜舅取爵祭酒飲之
婦受爵出戶入房奠於篚又盥洗爵酌酒醕姑如醕舅
之禮設婦席於室內北牖下蹲東南面婦徹饌設於席
如初西上婦親徹醬設之其他從者設之婦進西面再
拜退升席南向坐將餽舅辭命易醬內贊者易之婦乃
餽姑饌婦祭內贊者助之既祭乃食三飯卒食內贊者
洗爵酌酒醕婦降席西面再拜受爵升席坐祭酒飲

訖執爵興降席東面立內贊受爵奠於篚婦進西面再拜姑先降自西階婦降自阼階凡庶子婦舅不降而婦降自西階以出

婚會

主人及賓俱公服饌以籩豆簋簠俎鉶罇爵中站其日主人至賓大門外之西東面立賓立於東階下西面僨者進於賓左北面受命出立於門外之東西面曰敢請事主人曰某有嘉禮請公有顧

王則稱王以下准此

僨者入告遂

引賓出大門外之東西面再拜主人答拜主人曰某有

嘉禮請公有顧賓曰敢辭主人曰敢固請賓曰辭不得
命敢不從主人拜賓答拜主人還賓遂與諸親從之掌
事者先鋪賓席於堂上楹間近北南向設賓之宗室席
位於賓西南賓之異姓席位於宗室之南又於西廊下
一品以下設異姓席位皆重行東向以北為上設主人
席位於東階上西向設主人宗室席位於主人東北設
異姓席位於宗室之北皆重行西向以南為上又設主
人異姓席位於東廊下

一品以下
於東階下

重行西向以北為上

賓至於主人大門外之西東向賓之宗室立於賓西南
異姓立宗室之南俱重行東面以北為上僎者引主人
出立於大門外之東西面主人諸親立於大門外之東
重行西面以南為上立定主人西面再拜賓東面答拜
主人揖賓報揖僎者引主人以入又僎者引賓以入賓
之諸親以次從入至門內主人諸親從入如常至階主
人揖賓報揖賓主及諸親以次升各立於席後其在庭
者亦如之立定賓主及諸親俱坐執觴者

爵者一品以下執此

酌酒升自東階酒升堂賓主及諸親皆起執觴者以酒授主人僎者引主人進詣賓前北面立賓自席西進東南向受酒僎者引主人退復位賓還席後賓主及諸親俱坐執觴者又以酒授主人及諸親賓主俱祭而飲諸親不祭而飲觴行一周食升堂賓主及諸親皆起掌食者以醯醬豆授主人僎者引主人進設於賓席前賓曰請公無辱主人曰不敢忘禮僎者引主人復位執饌者以饌進設於賓主席前加以匕箸執饌者又以饌設於

衆賓以下設訖賓主及諸親皆坐賓主皆祭而食諸親不祭而食於賓祭主人辭曰蔬食不足祭賓主俱食三飯而止主人曰請公食賓更飯食畢遂進庶羞觴如常會畢賓主及諸親俱興僎者各引賓主以下降出賓主及賓之諸親皆復門外位主人諸親復門內位主人再拜送賓退僎者引主人入

婦人禮會

女賓乘車入至下車所內僎者引入主人迎送於門內

相稱之辭各准其夫餘如丈夫之禮

饗丈夫送者

其日掌事者鋪賓席於堂上楹間近北南向又鋪主人
席於阼階上西向又設衆賓席於賓西南設從者席位
於西廊下

一品以下
西階下

俱重行東向以北為上僎者引賓

以下立於主人門外之西重行東向以北為上立定僎
者引主人出立於門東西向主人揖賓報揖僎者各引
賓主以下入至階主人揖賓報揖賓主以次升立於席

後立定賓主以下俱坐遂進酒設食如婚會之儀會畢
賓主以下俱興僎者引賓立於西階上東面主人掌事
者牽馬入陳於門三分庭一在南北首西上

一品以下無馬又

掌事者奉束帛之篚升授主人主人執篚西面立賓西
階上北面再拜主人進立於楹間南面賓進立於主人
之右俱南面主人授篚賓受之退立於西階上北面主
人還阼階上北面再拜送僎者引賓以下降自西階從
者迂受篚賓及庭東面揖左馬以出牽馬者從之賓出

大門外之西東面立從者迎受馬

一品以下無受馬儀

初賓降賓

者引主人降自東階出門東西面拜送賓退主人入

饗婦人送者

其日女贊者鋪賓席於堂上楹間近北南向又鋪主人席於阼階上西向又設衆賓席於廊下俱重行東向以北為上女相者引賓以下立於主人門外之西重行東面以北為上立定女相者引主人出立於門外之東西面女相者引賓入衆賓以下從入賓入門西東面立定

俱坐遂進酒設食如婚會之儀會畢賓主上下俱興女相者引賓立於西階上東面女相者奉束帛之篚升以授主人主人執篚進於楹間南面立女相者引賓進立於主人之右俱南面主人授幣訖女相者引賓降出從者迓受篚衆賓以下從出初賓降女相者引主人降送於門內賓出女相者引主人入

稱之辭各准其夫酬以束帛如丈夫之禮

一品以下內相者引賓升主人迎送於閭內相

公主出降

冊公主

前一日尚舍奉御設御幄於太極殿如常守宮設羣官
次於東西朝堂奉禮設版位太樂令展宮懸典儀設舉
麾位如常又設文武羣官版位五品以上於橫街北六
品以下於橫街南文東武西俱重行諸親於五品之南

皇親在東
諸親在西

設典儀位如常儀贊者二人在南少退俱西

向冊使立於懸北西上俱北面

副使立於冊使東
少退以後准此

其日

諸衛屯門列仗如常冊使羣官等依時刻集朝堂次改

服朝服通事舍人各引就朝堂位侍中量時刻版奏請
中嚴釵戟近仗入陳於殿庭太樂令帥工人入就位協
律郎入就舉麾位典儀帥贊者先入就位諸守衛之官
各服其器服符寶郎先請寶俱詣閣奉迎通事舍人分
引王公羣官入就位又通事舍人引冊使及副使並入
立於殿門外道東西面以俟黃門侍郎帥主節奉節及
幡立於階仗南節在前中書侍郎先請冊置於案令史
絳公服各對舉案立於節南道東西面中書侍郎立於

案後侍中版奏外辦所司承旨索扇扇上皇帝服通天冠絳紗袍御輿以出曲直華蓋警蹕侍衛如常太樂令令撞黃鍾之鍾右五鍾皆應協律郎舉麾鼓祝樂作皇帝出自西房即御座南向坐扇開協律郎偃麾戛敔樂止符寶郎奉寶置於御座典儀贊拜羣官在位者俱再拜訖通事舍人引冊使入就位冊使等初入門舒和之樂作至位樂止立定典儀曰再拜贊者承傳冊使等皆再拜侍中進當御座前北面跪奏稱侍中臣某言冊公

主請命使俛伏興又侍中少前稱制曰可退復位侍中承制降詣使者北面稱有制冊使副等俱再拜侍中宣制曰冊某公主命公等持節展禮宣制訖使副等又再拜侍中還侍位贊禮者引冊使少前黃門侍郎引主節詣冊使東北主節以節授黃門侍郎

主節者後立於使左

黃門侍

郎持節西南授冊使跪受興付主節幡隨節立於使左黃門侍郎退贊禮者導中書令詣冊使東北面立又贊禮者導中書侍郎引詣公主冊案立於中書令之右中

書令於案取公主冊

舉案者皆由後立於使左以後准此

授冊使冊使跪

受興置於案

持案者退立於使後以後准此

贊禮者引中書令與冊使

俱北向退復位典儀曰再拜再拜訖通事舍人引冊使

等右旋而出持節者前導持案者次之冊使等初行樂

作出門樂止侍中前跪奏稱侍中臣某言禮畢俛伏興

還侍位所司承旨索扇扇上皇帝興太樂令令撞蕤賓

之鐘左五鐘皆應鼓祝奏太和之樂皇帝降座御輿入

自東房侍衛警蹕如來儀侍臣從至閤扇開樂止通事

舍人引羣官在位者以次出舉冊者及冊使至長樂門外次如後儀

公主受冊

尚儀二人

讀冊

司贊一人

引公主

掌贊二人

知贊拜

女史四

人

對舉冊案

前一日尚舍守宮計會設使者及冊案便次於光範門及長樂門外皆道右東向司贊設公主位於長樂門外內殿前近南當階北面西上又分設內命婦應陪位者

位於公主東北及西北嬪御等在東階宮官等在西階
重行相對北上又於內命婦之前設尚儀位二皆東向
以北為上又於尚儀位南少退設司贊位掌贊二人陪
其後其日典儀設冊使位於長樂門外之西東向北上
又設舉冊案者位二在南差退東向內謁者監先取公
主冊案置於長樂門外近限內命婦以下及應在位者
並服禮衣先就位公主花釵翟衣司言引就受冊位侍
從如常儀通事舍人引冊使副使等出就位持節者立

於使者之北少退持冊案者立於冊使副西南俱東向
持節者去節衣持冊案者以案進冊使之右北向相次
而立內侍二人引使者詣門內謁者舉案少前使取公
主冊跪置冊於案俛伏興通事舍人引冊使副使等俱
進就次以俟尚儀帥女史詣門舁冊案入各就尚儀之
前對舉冊案皆東向司贊曰再拜凡司贊有詞掌贊皆承傳司言贊
公主再拜尚儀取公主冊於案持案者退少前北面稱有制
司言贊公主再拜尚儀執冊跪讀訖退復位以冊進授

公主公主受冊以授司言訖司贊曰再拜公主再拜在位者皆再拜司贊少前稱禮畢司言引公主退在位者以次退掌贊報內謁者監禮畢內謁者監傳報冊使等詣太極殿前南橫街南北面西上立中書令立於冊使等東北西面冊使再拜復命曰奉制冊命某公主禮畢又再拜中書令奏聞冊使等退幡節各還本司

納采

前一日主人設使者次於大門之外道右南向

其納吉納徵請

期親迎等禮皆如之

其日大昕使者至於主人大門外贊禮者延

入次

凡賓主及行事者皆公服

使者出次贊禮者引至於大門外之

西東面主人立於東階下西面僎者立於主人之左北面受命出立於門東西面曰敢請事使者曰朝恩貺室於某公之子某公有先人之禮使某也請納采僎者入告主人曰寡人敢不敬從僎者出告掌畜者以鴈授使者其餘並如一品婚儀

問名

使者既出至主人還阼階上西面曰皇帝第某女封某

公主餘行事並如一品婚儀

其禮使者於戶牖之間贈之篚幣及兩馬詞云吾子

為事故至於寡人之室寡人有先皇之禮請禮從者

納吉

其日大昕使者至請事使者曰加諸卜占曰吉使某也
敢告主人曰某公有吉寡人與在焉寡人不敢辭如納
采之儀

納徵

其日大昕使者至入次掌事者布幕於內門外玄纁束帛陳於幕上乘馬在幕南北首西上掌事者奉璋以匱俟於幕東使者曰朝恩貺室於某公之子某公有先人之禮使某也以束帛乘馬請納徵主人曰某公順先典貺以重禮寡人敢不承命餘並如一品婚儀

請期

其日大昕使者至入次至請事依常禮使者曰某公有賜既申受命某公使某請吉日儻者入告主人曰寡人

既前受命唯命是聽使者曰某公命某聽命於王儋者
入告主人曰寡人固惟命是聽使者曰某公使某受命
於王王不許某敢不告期曰某日餘並如一品婚儀

親迎

其日大昕壻之父告廟醢子並如一品婚儀子再拜降
出乘輅備儀仗詣主人之第賓將至內贊者布席於東
房當戶南向設罇甒醴等於東房主人醴公主如一品
醴女之儀公主著花釵褕翟纁袖入房以下並如一品

醴女儀訖主人降立於東階東南西面贊禮引賓出次立於門西東面賓者進受命出門東面曰敢請事賓曰某王命某之父以茲初婚命某將請承命賓者入告主人曰寡人固敬具以須至奠鴈出如常禮初賓入門主婦出立於房戶外之西南面於賓拜訖姆導公主出主人少進西面戒之必有正焉若衣若笄命之曰戒之敬之夙夜無違命主婦戒之於西階上施衿結帨戒之曰勉之敬之夙夜無違公主出以下並如常儀

同牢

初昏掌事者設洗於東階東南及陳設牢饌鉶俎之數
各依其品羊豕節折大羹在於饗

其器皆明烏漆惟
饗以陶甕以匏

餘

並如一品儀

見舅姑

見之日公主夙興沐浴著花釵服褕翟舅服公服姑著
鈿釵禮衣其儀同一品婚禮公主降西階以出無取脯
授婦氏之儀

盥饋舅姑

公主盥饋以少牢舅姑公主服如見禮及醕舅姑訖內贊者設公主席於舅姑東北南面餘並如一品禮

婚會

如一品婚儀

婦人禮會

如一品婚儀

饗丈夫送者

同一品儀加送以乘馬設從者乃於西廊下

饗婦人送者

女相者引賓升降酬以束帛餘如丈夫禮

通典卷一百二十九

欽定四庫全書

通典卷一百三十

唐 京兆杜佑君卿纂

禮九十 開元禮纂類二十五 嘉九

朝集使於尚書省禮見

并辭

其日奉禮郎先布版位於尚書省都堂之前京官九品
以上位在東每等異位朝集使位在西亦如之皆以北
爲上京官及朝集使俱常服謁者絳公服先引京官入

就位又謁者引諸方朝集使等入就位奉禮立於朝集使之北差退贊者陪其後京官及朝集使序立訖奉禮曰再拜贊者承傳朝集使等俱再拜京官等遂巡揖避再拜訖京官等俱答拜朝集使等遂巡揖避再拜訖謁者贊稱禮畢羣官等各以次退朝集使亦退其辭禮亦如之

任官初上

諸州上佐附

應冊命之官受冊訖朝集使乘輅備儀鳴鐃吹詣太廟

南門至下車所饒吹止受冊者降輅謁者引入立於廟庭北面西上立定再拜訖又再拜辭謁者引出乘輅鳴

鏡而還

若先受制書者發卯備儀仗詣太廟如上儀

道詣本司將至卑官先

引俱公服俟於別席所初上者至降輅贊禮者引入停於後堂改著公服儀仗陳廳事之前贊禮者引卑官俱立於內門之外西廂每等異位重行東面以北為上初卑官就門外位贊禮者引初上者立於廳事東階東南西面贊禮者引卑官以次入立於西階西重行東面以

北為上立定卑官俱再拜初上者答拜贊禮者引卑官
出贊禮引初上者就後堂卑官俱更衣贊禮者引應坐
者入立於廳事東西階下其應致敬者立於門外之西
東面俱北上贊禮者引初上者出升堂就榻後應坐者
俱升詣座後立定初上者升座應坐者各依其班而坐
其應致敬者入立於東西階下俱以北為上而諸流外
官入立於庭重行北面西上再拜訖就東階下品官之
後本司以印及職掌置於案本司引入升諸座前本司

取印及職掌以次進置於座上之案訖本司引案降出
諸司以次諮判三條事訖俱興立於座後贊禮者引初
上者還後堂以外降出設會如常儀官卑不合拜廟者
俱詣上所下判官者禮見而已若六品以下初上皆常
服若先任者尊及官位等先任者俟於東階下西面新
任者入立於西階下東面再拜先任者答再拜訖新任
者還於廳事立於東階下與卑官相見如上儀

諸州縣丞長吏

以下初
上准此

京北府河南牧初上

諸州刺史都督附

其日州牧備儀仗至州停於後堂兵曹設儀仗於廳事
門庭如常儀本司設牧位於廳事楹間近北南向設州
官長史司馬位於堂下東方西向設錄事參軍以下位
於司馬之南重行西向皆以北為上設縣官位庭中近
西諸鄉長位於縣官之東每等異位重行北面對為
首州助教縣博士長史以下集於州南門之外州官在
助教依鄉長班
東縣官在西鄉長史在州官東南各有次俱公服鄉長

常服司功整次紙名入諮贊禮者引牧出立於廳事東階東南西面左右侍從如常贊禮者立於牧南少退俱西向贊禮者引州官入就位次引縣令以下入門而左又引鄉長入門而右俱入就位立定贊禮者引牧升自東階即位南向立又引縣令及鄉長五品以上自西階升堂進當牧前重行北向如在位庭之儀立定上下俱再拜牧答拜上下在位者皆逡巡避位贊禮者引縣令以下及鄉長俱出贊禮者引牧降入贊禮者引長史以

下次俱更衣本司量設牧座於堂上訖贊禮者引縣令及鄉長俱就西階下又長史以下入立於東階下俱北向贊禮者引牧出升堂就榻後長史以下并縣令職事五品以上應升者合班俱升詣座後立定牧升座諸應坐者俱坐州縣佐史以下入庭中重行北面西上州縣學生位於其後俱再拜訖就東階下品官之後立錄事以印及職掌置於案錄事一人引入升詣座前錄事取印及職掌以次進置於牧案訖錄事引案降出諸司以

次詔判三條事訖坐者俱興贊禮者贊牧興引還後堂

長史以下降出設會如常儀

諸刺史初上准此其鄉長武官七品以上及德行有

聞者皆升堂

萬年長安令初上

河南洛陽縣令禮同諸縣令附

其日令停於後堂設令位於廳事楹間近北南向設鄉長位於南方重行北面以西為上其勲官出身班博士助教依鄉長班又設丞位於東方西向設主簿及尉位於丞南少退西向北上鄉長以下俱集於縣南門外之

西各有次司功整次紙名入詔贊禮者引令出立於廳
事東階東南西向侍從如常儀贊禮者立於令之南少
退俱西向贊禮者引丞以下入就位又引鄉長入就位
立定贊禮者引令升自東階即位南向立贊禮者引鄉
長文武官五品以上自西階進當令前重行北面以西
為上立定上下在位者俱再拜令答拜上下在位者皆
逡巡避位贊禮者引鄉長降自西階以出鄉長在庭者
繼出贊禮者引令降自東階以入又引丞以下以次出

本司量設牀座於堂上訖贊禮者引鄉長入立於廳事西階下丞以下立於門外道西東面俱北上贊禮者引令出升堂就榻後又贊禮者引丞入及鄉長文武官五品以上俱升詣座後又贊禮者引主簿及尉入立於東階下立定令升座諸應坐者俱坐錄事及坐者以下入立於庭中北面西上學生位於其後俱再拜訖就東階下縣尉後立錄事以印及職掌置於案錄事一人引升入詣座前錄事取印及職掌以次進置於案訖錄事

引案降出諸司以次詔判三條事訖丞及鄉長俱興贊

禮者贊令興引還後堂鄉長降出設會如常儀

諸縣令初上准

此其鄉長文武官七品以上及德行有聞者皆升堂

鄉飲酒 正齒位附

鄉飲酒之禮刺史為主人

此為貢人之中有明經進士出身兼德行孝悌灼然明著

道表門閭及有秀才皆刺史為主

若無上佐攝行事 先召鄉之致仕有德者謀

之賢者為賓其次為介又其次為衆賓與之行禮而賓

舉之

介以下無其人則闕正齒位每年季冬縣令為主鄉之老人六十以上有德行者一人為賓次一

人為介又其次為三
賓又其次為衆賓

主人戒賓立於賓大門外之西東

面賓立東階下西面將命者立於賓之左北面受命出
立門外之東西面曰敢請事主人曰某日行鄉飲酒之
禮請某子臨之將命者入告賓出立於門東西面北向
再拜主人答拜主人曰吾子學優行高應茲觀國某日
展禮請吾子臨之賓曰某固陋恐辱命敢辭主人曰謀
於父師少師莫若吾子賢敢固以請賓曰夫子申命之
某敢不敬須主人再拜賓拜主人退賓拜送主人戒介

亦如之

戒辭曰某日行鄉飲酒之禮請吾子臨之正齒位無戒賓

其日質明設賓席

於楹間近北南向設主人席於阼階上西向設介席於

西階上東向設正賓

正齒位云三賓下倣此

席三於賓席之西各

南向皆不屬焉又設堂下衆賓席於西階西南面北上

正齒位設衆賓席於楹間近南北向東上

設兩壺於賓席之東北少退玄酒

在西加勺罍置篚於壺南東肆實以爵觶設贊者位於

東階東西面北上賓介及賓至立於廳事大門外之右

東向北上執事者俱就位主人出迎賓於門外之左西

面拜賓賓答拜又西南面拜介介答拜又西南面揖衆
賓衆賓報揖主人又揖賓賓報揖主人先入門而右西
面賓入門而左東面介及衆賓序入立於賓西南東面
北上衆賓非三賓者皆北面東上

凡賓主拜揖周旋皆有相贊正齒位衆賓

立於三賓之後

主人將進揖當階

據禮作陳

揖賓皆報揖至階主人

曰請吾子升賓曰某敢辭主人曰固請吾子升賓曰某
敢固辭主人曰終請吾子升賓曰某敢終辭主人升自
阼階賓升自西階當楣北面立執罇者徹幕主人適篚

跪取爵興適罇實之進賓席前西北面獻賓賓西階上

北面立主人少退賓進於席前受爵退復西階上北面

立主人退於阼階上北面拜送爵賓少退贊者薦脯正齒

位菹醢於賓席前正齒位賓以下年六十者三豆七十

賓自西方升席南面立贊者設折俎正齒位賓跪左執

爵右取脯醢祭於籩豆之間遂祭酒啐酒啐嘗興降席

東適西階上北面跪卒爵興適罇實之進主人席前東

面南酢主人主人於階上北面拜賓少退主人進受退

復阼階下北面立賓退復西階上北面拜送爵贊者薦

脯醢於主席前主人由席東自北方升席贊設折俎

正齒

位無折俎

主人跪左執爵右取脯醢遂祭酒啐酒興自南方

降席復阼階上北面跪卒爵執爵興跪奠爵於東序端
興適篚跪取觶實之以酬復阼階上北面跪奠觶遂拜
執觶興賓西階上答拜主人跪祭遂飲卒觶執觶興適
罇實之進賓席前北面賓拜主人少退賓既拜主人跪
奠觶於薦西興復阼階上位賓遂進席前北面跪取觶

復西階下位主人北面拜送賓進席前北面跪奠解於

薦東興復西階上位

酬酒不舉者君子不盡人之歡以全交也

主人北面揖

遂降立於阼階下西面賓降立於西階西當西席東面

主人將與介為禮故賓不居堂上位

主人進延介主人揖介介報揖至階

一讓升主人升阼階介升西階皆當楣北面立主人詣

東序端跪取爵興適罇實之進於介席前西南面獻介

介西階上北面拜主人少退介進北面受爵退復位主

人於介右北面拜送爵介少退主人立於介西階之東

贊者薦脯醢於介席前介進自北方升席贊者設折俎

正齒位
無折俎

介跪左執爵右取脯醢遂祭酒執爵興自南方

降席北面跪卒爵執爵興介授主人爵主人適罇實之
以酢於西階上立於介右北面跪奠爵遂拜執爵興介
答拜主人跪祭遂飲卒爵執爵進跪奠爵於西楹南還
阼階上揖降介降立於賓南主人於阼階前西面揖衆
賓遂升適西楹南跪取爵適罇實之進於西階下南面
獻衆賓之長升西階上北面拜受爵主人於衆賓長之

右北面拜送贊者薦脯醢於其席前衆賓之長升席跪
左執爵右取脯醢祭酒執爵興退於西階上立飲訖授
主人爵降復位主人又適罇實之進於西階上南面獻
衆賓之次者如獻衆賓長之禮又次一人升飲亦如之
主人適罇實酒進於西階上南面獻堂下衆賓每一人
升受爵跪祭立飲贊者徧薦脯醢於其位訖主人受爵
奠於篚主人與賓一揖一讓升賓介衆賓序升即席設
工人席於堂廡西階之東北面東上

側邊
曰廡

工四人入先

二瑟後二歌工持瑟升自西階就位坐工歌鹿鳴卒歌

升入立於堂下北面奏南陔訖乃間歌南有嘉魚笙崇

丘

間代也謂一歌則一吹也

乃合樂周南關雎召南鵲巢

合謂歌與衆聲俱作

也樂工人將間則母作淫聲不雅之曲

訖司正升西階

司正謂主人之贊禮樂之正既成將

留賓慮有懈惰立司正以監之

跪取解於筐興適罇實之降自西階詣

階間右還北面跪奠解拱手少立跪取解遂飲卒解奠

解再拜賓降席取解於筐適罇實之詣阼階上北面酬

主人主人降席進立於賓東

初起旅酬也凡旅酬者少長以齒

賓跪奠

觶遂拜執觶興主人答拜賓立飲卒觶適罇實之進阼階上東南面授主人主人再拜賓少退主人受觶賓於主人之西北面拜送

旅酬同皆禮殺

賓揖復席主人進西階上

北面酬介介降席自南方進立於主人西北面主人跪

奠觶遂拜執觶興介答拜主人立飲卒觶適罇實之進

西階上西南面立介拜主人少退介受觶主人於介東

北面拜主人揖復席司正升自西階近北面立相旅曰

某子受酬受酬者降席自西方進北面立於介右

旅序也於

是介酬衆賓衆賓又以次序相酬也某者衆賓也同姓則以伯仲別之又同則一以某字別之受酬者由介東尊介使不失故位司正退立於序端東面避受酬者又使其贊相上下介跪

奠觶遂拜執觶興某子答拜介立飲執觶適罇實之進西階上西南面授某子某子受觶介立於某子之左北面揖復席司正曰某子受酬受酬者降自西方立於某子之左北面某子跪奠觶遂拜執觶興受酬者拜某子受立飲卒觶適罇實之進西階上西南面授之受酬者受觶某子立於受酬者之右揖復席次一人及堂下衆

賓受酬亦如之於某子卒受酬者以解跪奠於篚復階

下位司正適阼階上東面受命於主人主人曰請坐於

賓司正迴北面告於賓曰請賓坐賓曰唯命賓主之詞皆司正傳

賓坐各就席坐若賓主俱公服者則皆降脫履於階下主人先左賓先右禮畢降納如常正齒

位於楹間北面乃揚觶而言曰朝廷率由舊章敦行禮教凡我長幼各相勸勗忠於國孝於親內睦於閨門外

比於鄉黨無或怠墮以忝所生賓主以下皆再拜司正跪奠觶再拜跪取解飲卒觶興賓主以下皆坐司正適

篚跪奠觶興降復其位司正降復位乃羞羞進也所進者肉也無

筭爵筭數也賓主燕飲爵行無數醉而止三賓以上贊者二人行爵以下取足也正齒位又無筭燕樂亦

無數或間或合
盡飲而止也

主人之贊者興焉燕訖賓主俱興賓以

下降自西階主人降自東階賓以下出立於門外之西
東面北上主人送於門外之東西面再拜賓介逡巡而
退

宣赦書

其日質明本司承詔宣告內外隨職供辦守宮設文武
羣官次於朝堂如常儀羣官依時刻皆集朝堂俱就次
各服其服奉禮設文武羣官次版位於順天門東西當

朝堂之南文東武西重行北面相對為首設中書令位於羣官之北南向刑部侍郎帥其屬官陳金雞於西朝堂之東南向置鼓杖於金雞之南遂擊鼓每擊投一刑部侍郎錄京師見囚集於羣官之南北面西上囚集訖鼓止通事舍人引羣官各就位中書令受詔訖遂以詔書置於案令史二人對舉案通事舍人引中書令持幡節者前導持案者次之詣門外位立持節者立於中書令之南少西令史舉案者於中書令西北俱東面立

定持節者脫節衣持案者進詣中書令前中書令取詔書持案者以案退復位中書令稱宣詔羣官皆再拜宣詔訖羣官又再拜舞蹈又再拜刑部尚書前受詔書退復位持節者加節衣通事舍人引中書令幡節前導而入通事舍人引羣官還次

羣官詣闕上表

前一日守宮設文武羣官次於朝堂如常儀其日量時刻文武羣官集俱就位各服朝服奉禮設羣官位於東

朝堂之前近南文東武西重行北面相對為首設中書
令位於羣官之北南向設奉禮位於羣官東北贊者二
人在南少退俱西向奉禮郎贊者先就位謁者引羣官
各就位禮部令史二人絳公服對舉表案立於奉禮之
北南面立定典謁引中書令出就南面位禮部郎中引
表案詣中書令前郎中取表以授中書令受表郎中舉
案退復位奉禮曰再拜贊者承傳羣官在位者皆再拜
通事舍人引中書令以表入奏退復位南面稱宣詔羣

官再拜宣詔訖又再拜謁者引為首一人進北面受表
退復位舍人引中書令入謁者引羣官還次

羣官奉參起居

前一日守宮設文武羣官次於朝堂如常儀其日依時
刻文武羣官九品以上俱集朝堂次奉禮設文武羣官
位於東朝堂之前文左武右重行北面對為首又設
奉禮位於文武官東北贊者二人在南少退俱西向又
設通事舍人位於文官為首者之北少東西向並如常

奉禮帥贊者先就位舍人各引文武羣官俱就位立定
舍人引為首者少進通起居訖退復位奉禮唱再拜贊
者承傳羣官在位者皆再拜舍人入奏訖舍人承旨出
復位西面稱勅旨羣官在位者皆再拜宣訖又再拜舍
人及羣官俱退

皇帝遣使詣蕃宣勞

前一日執事者設使者次於大門外道東南向其日使
者至執事者引就次使者以下俱公服蕃主朝堂立於

東階東南西面使者出次執事者引使者立於大門外之西東面使副立於使者西持節者立於使者之北少退令史二人對舉詔書案立於使副西南俱東向執事者引蕃主迎使者於門外之南北面再拜使者不答拜執事者引使者入持節者前導持案者次之入門而左使者詣階間南面立持節者立於使者之東少南西面使副立於使者西南持案者立使副西南俱東面執事者引蕃主入立於使者之南北面持節者脫節衣持案

者進使者前使副取詔書持案者退復位使副進授使者退復位使者稱詔蕃主再拜使者宣詔訖蕃主又再拜執事者引蕃主進使者前北面受詔書退立於東階東南西面持節者加節衣執事者引使者持節者前導持案者次之出復門外位執事者引蕃主拜送於大門外使者還於次執事引蕃主入

皇帝遣使諸州宣撫

前一日日本司設使者次於大門外道右南向又設應集

之官次於大門外文官在道東武官於使者次西南俱南向相對為首其日使者將至刺史出城迎於一里外相去九十步許刺史於路左下馬使者下馬皆少進使

者命刺史乘馬使者與刺史俱乘馬而行

使者至鎮及縣其鎮將與

縣令迎與刺史同若使者五品以上鎮將縣令六品以下則使者不下馬命鎮將縣令乘馬而已若臨邊者不

出迎應集者至州門外各就次服朝服非朝服者公服受

制者及應版授官路遠不及期者則使至別定某日本司設使者位於廳事階間

南向設刺史位於使者位之南北向設應集官之位於

刺史後每等異位若有諸老則位於諸官之後俱重行北面以西為上又設刺史以下位於大門外之東每等

異位重行西面以北為上使者至掌次者引就次

若別日宣

勞則使者停於館應集者至日乃集

刺史入使者以下皆公服制書及版

案置於案贊禮者引應集之官就門外位諸老應受版

者齒位

八十以上者杖於位

刺史朝服以出行參軍引立於東階

東南西面使者出次贊禮者引使者持幡節者立於使

者之北少退使副立使者西南持制書及版案立於使

副西南俱東面北上

若版多則量加於案

立定參軍引刺史迎於

大門外之南北面再拜引刺史先入立於內門外之東
西面州官立於其後贊禮者引使者持幡節者前導入
門而左使副以下從之使者詣階間就位南面立持幡
節者立於使者之東少南西面幡在南使副立於使者
西南持案者立於使副之南少退使俱東面行參軍引
刺史贊禮者引應集之官以次入就位立定持節者脫
節衣持案者進使副前使副取制書持案者退復位使

副以制書進授使者退復位使者稱有制刺史等再拜
宣制訖刺史等又再拜行參軍引刺史進詣使者前北
面受制書訖退立於東南西面贊禮者以次引應受制
者別受制如上儀

凡同制書者皆同拜

訖引於刺史東南西面北

上若有版授史以案詣使副前使副取版進授使者皆
如初贊者引為首者一人少前使者稱有制為首者再
拜宣制訖為首者又再拜贊禮者引為首者進詣使者
前北面受版若有束帛賑恤依式宣付

凡老者拜八十
上一坐再拜

九十以上訖引立刺史之後又引次受者亦如之訖持子弟拜受

節者加節衣贊禮者引使者出使者幡節導之以出使副以下從之俱復門外位諸老以版授子弟行參軍引刺史贊禮者引州府之官及諸老出復門外位立定刺史拜送贊禮者引使者還於次行參軍引刺史入贊禮者引州官及諸老還次若在諸縣宣勞版授如在州之儀使者若於隨便宣制受賜物者縣令先集鄉望立於館門外之南重行北面西上使者至立於門西東面鄉

望俱再拜使者入詣廳事前南面立鄉望隨入宣勞受
及拜送皆如上儀凡使至先問百年者有則宣制頒餼
酒米
牲物皆子弟代受之

皇帝遣使詣諸州宣制勞會

前一日本司設使者次於大門外道右南向又設應集
之官次於大門外文官道東武官於使次西俱南向相
對為首其日質明應集之官道州門外各就次服朝服
非朝服者以公服本司設使者位於廳事階間內南向

設刺史位於使之南北向設應集之官位於刺史之後
每等異位重行北面以西為上又設刺史以下位於大
門外之東每等異位俱重行西面以北為上使者至掌
次者引就次以制書置於案使者以下皆公服贊禮者
引應集之官俱就門外位刺史朝服以出行參軍引立
於東階東南西面使者出次贊禮引使者立於門西東
面史二人對舉制書案立於使者西南俱東面立定行
參軍引刺史迎於大門外之南北面再拜行參軍引刺

史先入立於內門外之東西面立州官立於其後贊禮者入門而左持案者從之使者詣階間就位南向立持案者立於使者西南東面行參軍引刺史贊禮者引應集之官以次入就位立定持案者進使者前使者取制書持案者退復位使者稱有制刺史等再拜宣訖又再拜行參軍引刺史進詣使者前北面受制書退立於東南西面贊禮者次引應受制者別受制如上儀

凡同制者皆同

宣拜訖引立於刺史東南西北上贊禮者引使者出持案

者從之俱復門外位行參軍引刺史贊禮者引州官以次出俱就門外位刺史拜送贊禮者引使者還於次行參軍引刺史入贊禮者引州官各還將會本司設刺史以下位於廳事之庭如常儀又鋪使者席於使者之東西向州官之席於刺史之後各依資品俱南上席於庭者文官在東武官在西皆北上又刺史以下各服公服若常服贊禮者行參軍引刺史又贊禮者引應會之官俱就門外位立定贊唱者先入就位贊禮者引使者先

入行參軍引刺史贊禮者引應會之官以次入就位立
定贊唱者曰再拜在位者皆再拜贊禮者引使者行參
軍引刺史又贊禮者引應升階者詣東西階以次升各
立於席後其位於階下者又引就席後上下立定俱就
席俛伏坐遂行酒酒至上下皆俛伏興立於席後俱再
拜搢笏立受酒升席俛伏坐飲酒行三周進食食至上
下皆俛伏興立於席後設食訖俱升席俛伏坐食訖仍
行酒會畢俱興各以次引降復位立定贊唱者曰再拜

在位者皆再拜以次引出

若無臺使會位贊拜亦准此

皇帝遣使詣諸州宣赦書

鎮與州同

其日本司設使次於州之大門外道南西向使者至掌
次者引就次以赦書置於案應集之官至州門外服朝
服非朝服者公服本司設使者位於廳階間南向設刺
史位於使者位南北面設應集之位於刺史之後文官
在東武官在西每等異位重行北面相對為首又設門
外位文官於門東西向武官於門西東向俱每等異位

重行以北為上本司錄州見因集於州門之外北面西
上贊禮者引應集之官俱就門外位刺史朝服以出行
參軍引立於東南西向使者出次贊禮者引立於門西
武官之前少北東向史二人對舉案立於使者西南俱
東面立定行參軍引刺史迎於大門外之南北面再拜
行參軍引刺史先入立於內門之東西面州官立於其
後贊禮者引使者入門內而立持案者從之使者詣階
間就位南向立持案者立於使者西南東面行參軍引

刺史贊禮者引應集之官以次入就位立定持案者以
案進使者前使者取赦書持案者退復位使者稱有赦
刺史以下皆再拜宣赦書訖又再拜舞蹈又再拜本司
釋囚行參軍引刺史進使者前北面受赦書退復位贊
禮者引使者出持案者從之俱復門外位行參軍引刺
史贊禮者引州官以次出復門外位刺史拜送贊禮者
引使者還於次行參軍引刺史入贊禮者引州官還次

諸州上表

前一日本司設應集之官次於州大門外文官道東武
官道西俱南向相對為首其日夙興本司設使者位於
廳事階間南向設刺史位於使者位之南北向設應集
之官位於刺史之後文官在東武官在西每等異位重
行北面相對為首設贊者位於東南西向北上設應集
之官門外位文官於門東西向武官於門西東向俱每
等異位重行以北為上質明應集之官至州門外各就
次服朝服非朝服者公服贊禮者引應集之官俱就門

外位贊唱者先入就位佐史對舉表案立於贊唱之西

北向

表每一等為一案

刺史朝服以出行參軍引就位贊禮者

引應集之官以次入就位立定贊禮者引使者入門而

右詣階間就位南向立贊禮者引表案詣使者取表贊

禮者引案退復位餘表案位於使者西北南向東上贊

唱者曰再拜刺史以下皆再拜贊禮者引使者出舉表

案者從之參軍引刺史入贊禮者引州官以次出上表

者若止一人則不須諸官陪位上表者立於廳事東階

東南西面持案者立於上表者東南俱西面使者入立於階間南向持案者以案進上表者前上表者取表持案者退復位上表者詣使者前授表退北面再拜使者出上表者入



通典卷一百三十